

საქართველო - ყწირველეს ყოვლისა!
გელაქტიონი

ახალგორი

ახალგორის მუნიციპალიტეტის გაზეთი

№11(115)
ნოემბერი
2023 წელი

გამოდის თვეში ერთხელ

ევროკომისიამ საქართველოსთვის ევროკავშირის კანდიდატი ქვეყნის სტატუსის მინიჭების რეკომენდაცია გასცა



8 ნოემბერს ევროკავშირის გაფართოების შესახებ ევროკომისიის ყოველწლიური ანგარიში გამოქვეყნდა. ანგარიშის მიხედვით, ევროკომისიამ საქართველოსთვის ევროკავშირის წევრობის კანდიდატი ქვეყნის სტატუსის მინიჭების რეკომენდაცია გასცა.

ამის შესახებ ევროკომისიის პრეზიდენტმა ურსულა ფონ დერ ლაიენმა განაცხადა.

„კომისია რეკომენდაციას იძლევა, საქართველოს მიენიჭოს კანდიდატის სტატუსი იმ დათქმით, რომ მთავრობა გადადგამს მნიშვნელოვან ნაბიჯებს რეფორმების განხორციელების კუთხით. ეს ნამდვილად საზეიმო დღეა საქართველოსთვის. ხშირად, როდესაც ვანიჭებთ, ან გავცემთ რეკომენდაციას სტატუსის მინიჭებაზე, ვამბობთ, რომ ჯერ კიდევ არის რამდენიმე ნაბიჯი გადასადგმელი. ეს დეტალურად განერილია რეკომენდაციებში. ნამდვილად უზარმაზარი ნაბიჯია საქართველოსთვის და ხაზს უსვამს საქართველოს მოსახლეობის უმრავლესობის შთაბეჭქდავ და ძალიან ცხად პოზიციას, გაერთიანდნენ ევროკავშირში“, – აღნიშნა ევროკომისიის პრეზიდენტმა.

საბოლოო გადაწყვეტილება საქართველოსთვის ევროკავშირის წევრობის კანდიდატის სტატუსის მიცემის შესახებ 14-15 დეკემბერს, სამიტზე უნდა მიიღონ.

„გულითადად ვულოცავ ყველა პოლიტიკურ ლიდერს, მთავრობას, ოპოზიციას, პარლამენტს, პრეზიდენტს, სამოქალაქო საზოგადოებას, თქვენ, მედიას, მაგრამ,

დასასრული მე-2 გვერდზე

ანიტა გვრიტიშვილი – პირველი პოლიციის მაიორი ქალი ახალგორიდან



„ღამიანის ცხოვრებაში მთავარია სუფთად და პატიოსნად ცხოვრება, სიმართლით ცხოვრება...“

5

მუკაზ ნიაური: „გულში ჩაუხვით ობო, უფლის სიყვარული და შრომა არ დაიხაროთ“

6

ოქროსა და ვერცხლის მედალოსნები დაჯილდოვდნენ



შესველრა ამომრჩეველთა ფართომასშტაბიანი იწვორპირაბის კაპანის ფარბლეუბი

3

საქართველოს მთავრობის გადაწყვეტილებით საყოველთაო ჯანდაცვის პროგრამის დაფარვის არაქალი ბაიზარლა

4

ევროკომისიამ საქართველოსთვის ევროკავშირის კანდიდატი ქვეყნის სტატუსის მინიჭების რეკომენდაცია გასცა

პირველი გვერდიდან

უპირველეს ყოვლისა, გულითადად ვულოცავ საქართველოს მოსახლეობას, ხალხს, რომელიც მტკიცედ და თანმიმდევრულად უჭერს მხარს საქართველოს ევროპულ გზას.

ეს არის ევროკავშირის მხრიდან საქართველოს მოსახლეობის, მისი ხალხის ევროპული მომავლის მტკიცე მხარდაჭერისა და ბოლო წლების განმავლობაში, მიღწეული წინსვლის დიდი აღიარება“- განაცხადა საქართველოში ევროკავშირის ელჩმა პაველ ჰერჩინსკიმ.

რას ნიშნავს ევროკავშირის წევრობის კანდიდატის სტატუსი და რა ეტაპები მოჰყვება მას?

ევროკავშირის წევრობის კანდიდატის სტატუსი ენიჭებათ ქვეყნებს, რომლებმაც დეკლარირებულად გამოხატეს მათი განზრახვა, გახდნენ კავშირის სრულფასოვანი წევრები და აკმაყოფილებენ დადგენილ კრიტერიუმებს. თეორიულად კანდიდატის სტატუსის მიღება არ არის განწევრიანების გზის პირველი ეტაპი, თუმცა საბოლოო ინტეგრაციამდე ის ერთ-ერთ მნიშვნელოვან, თუმცა მეტწილად სიმბოლურ ეტაპად ითვლება.

ქვეყნისთვის ევროკავშირის წევრობის კანდიდატის სტატუსის მინიჭების შემდეგი ნაბიჯი განწევრიანების გრძელვადიანი მოლაპარაკებების დაწყება და ევროკავშირის კანონმდებლობასთან ქვეყნის დაახლოებაა.

მას შემდეგ, რაც მოლაპარაკებები ყველა ჩარჩოში დასრულდება, ევროკომისია კვლავ წარადგენს აზრს ქვეყნის მზადყოფნის შესახებ. ყველა წევრი ქვეყნისა და ევროპარლამენტის დასტურის შემდეგ ქვეყანას განწევრიანების ხელშეკრულება ფორმდება, იგი უნდა რატიფიცირდეს ყველა წევრი სახელმწიფოს მიერ და საბოლოოდ ქვეყანა ევროკავშირის წევრი ხდება.

ევროკავშირის ამჟამინდელი 21 წევრის (დამფუძნებელი წევრების გარეშე) ბლოკში განწევრიანების საშუალო დრო 9 წელია. რა თქმა უნდა, თითოეული ქვეყნის შემთხვევაში ვადები განსხვავებულია და დამოკიდებულია ქვეყნის მზაობაზე, საჭირო რეფორმების რაოდენობაზე, გლობალურ პოლიტიკასა და სხვა ფაქტორებზე.

ამჟამად ევროკავშირის წევრობის 8 კანდიდატი ჰყავს. მათ შორის სტატუსი ყველაზე ადრე, 1999 წელს თურქეთმა მიიღო, შესაბამისად, ის ყველაზე სტაჟიანი, მაგრამ ამავე დროს ყველაზე უიმედო (ორმხრივად) კანდიდატია. მას მოჰყვა ჩრდილოეთ მაკედონია 2005 წელს, მონტენეგრო — 2010 წელს, სერბეთი — 2012 წელს, ალბანეთი — 2014 წელს. 2022 წელი ბოლო ათწლეულებში ევროკავშირის გაფართოების ისტორიისთვის უპრეცედენტო წელი იყო — ამ წელს კანდიდატის სტატუსი სამ ქვეყანას, უკრაინას, მოლდოვასა და ბოსნია-ჰერცეგოვინას მიენიჭა.

ეუთოს საპარლამენტო ასამბლეის პრეზიდენტი ნეროვანი



ეუთოს საპარლამენტო ასამბლეის პრეზიდენტი პია კაუმასი, დევნილთა სააგენტოს დირექტორ ზურაბ უტიასვილთან და საგარეო ურთიერთობათა კომიტეტის თავმჯდომარე ნიკოლოზ სამხარაძესთან ერთად ნეროვნის დევნილთა დასახლებაში იმყოფებოდა.

სტუმრებს მასპინძლობა გაუწია ახალგორის მუნიციპალიტეტის გამგებელმა გელა შერმადინმა, პირველ მოადგილე ბონდო ყველაშვილთან და საკრებულოს თავმჯდომარე თამაზ ბალაშვილთან ერთად.

ვიზიტის ფარგლებში, დელეგაცია გაეცნო დევნილთა დასახლებაში არსებულ ვითარებასა და ინფრასტრუქტურას.

შეხვედრა ნეროვნის №3 საჯარო სკოლაში გაიმართა.



ახალგორის მუნიციპალიტეტის გაზეთი
 რედაქტორი ანა ყურშავიშვილი
 კონტაქტი: ტელ: +995 593 501279
 mail: gazeti.akhalgori@gmail.com

პია როსტიაშვილი




გუშვილობით!

ახალგორის მუნიციპალიტეტის საკრებულო და ახალგორის მუნიციპალიტეტის გამგეობა ღრმა მწუხარებით იუნწყება

გია როსტიაშვილის

გარდაცვალებას და სამძიმარს უცხადებს განსვენებულის ოჯახს.

ახალგორის მუნიციპალიტეტის გამგებლის პირველ მოადგილედ ბონდო ყველაშვილი დაინიშნა



ახალგორის მუნიციპალიტეტის გამგებელმა გელა შერმადინმა ადმინისტრაციის თანამშრომლებთან სამუშაო შეხვედრა გამართა, რომლის ფარგლებშიც გამგებლის პირველ მოადგილედ ბონდო ყველაშვილი წარადგინა.

ბონდო ყველაშვილმა დაამთავრა თბილისის აგრარული უნივერსიტეტი. 1996-2003 წლებში მუშაობდა ახალგორის მიწის მართვის სამმართველოში მთავარ ბუღალტრად. შემდეგ იმყოფებოდა ემიგრაციაში. 2014 წლიდან 2023 წლის ნოემბრამდე მუშაობდა ახალგორის მუნიციპალიტეტის სერვისცენტრის დირექტორად. ჰყავს მეუღლე და ორი შვილი.

შეხვედრის ფარგლებში ასევე იმსჯელებს არსებული საჭიროებებისა და განსახორციელებელი სამუშაოების შესახებ.

ამასთან, შეხვედრის დასასრულს ყურადღება გაამახვილეს ევროკომისიის რეკომენდაციისა და დადებითი შეფასების მნიშვნელობაზე.

შეხვედრას ესწრებოდა ახალგორის მუნიციპალიტეტის საკრებულოს თავმჯდომარე თამაზ ბალაშვილი.

ოქროსა და ვერცხლის მედალოსნები დაჯილდოვდნენ



15 ნოემბერს ახალგორის მუნიციპალიტეტის სააქტო დარბაზში ახალგორის მუნიციპალიტეტის ხელმძღვანელობამ 2022-2023 სასწავლო წელს წარჩინებულ სკოლადამთავრებულებთან შეხვედრა გამართა.

ახალგორის მუნიციპალიტეტის 2023 წლის ბიუჯეტის პროგრამის ფარგლებში 500 ლარიანი ფულადი ჯილდოები გადაეცაათ ოქროსმედალოსან კურსდამთავრებულებს თამაზ ტატუნაშვილსა და ნათია მიდელაშვილს, ხოლო ვერცხლის მედალოსან დემეტრე ჩოჩელს გადაეცა "ბიბლუსის" 200 ლარიანი ვაუჩერი.

ახალგორის მუნიციპალიტეტის გამგებელმა გელა შერმადინმა, საკრებულოს თავმჯდომარემ თამაზ ბალაშვილმა დაჯილდოებულ ახალგაზრდებს მიულოცეს სკოლის საფეხურის წარმატებით დაძლევა და უსურვეს შემდგომი წარმატება.

შეხვედრა ამომრჩეველთა ფართომასშტაბიანი ინფორმირების კამპანიის ფარგლებში



ამომრჩეველთა ფართომასშტაბიანი ინფორმირების კამპანიის ფარგლებში, ახალგორის მუნიციპალიტეტის გამგებლის საკონფერენციო დარბაზში შეხვედრა გაიმართა.

მუნიციპალიტეტის და მასში შემავალ ყველა ა(ა) იპ-ების თანამშრომლებს, ელექტრონული ტექნოლოგიების დანერგვასთან დაკავშირებით, საარჩევნო ადმინისტრაციის მიერ განხორციელებული საქმიანობის, საარჩევნო ელექტრონული ტექნოლოგიების უპი-



რატესობებისა და მნიშვნელოვანი სიახლეების შესახებ დეტალური ინფორმაცია ცესკოს წარმომადგენლებმა მიაწოდეს.

შეხვედრის მონაწილეები პირადად გაეცნენ ელექტრონული ტექნოლოგიების მუშაობას, ასევე გაიმართა იმიტირებული კენჭისყრა, რომლის ფარგლებშიც დაინტერესებულმა პირებმა პრაქტიკაში გამოცადეს ვერიფიკაციისა და ხმის დათვლის აპარატების მუშაობა.

აღსანიშნავია, რომ ელექტრონული ტექნოლოგიები 2024 წლის 26 ოქტომბერს პარლამენტის მორიგ არჩევნებზე ფართო მასშტაბით იქნება გამოყენებული.

საქართველოს მთავრობის გადაწყვეტილებით

საყოველთაო ჯანდაცვის პროგრამის ფარგლებში, მშობიარობა და საკეისრო კვეთა, ყველა მოქალაქისთვის სრულად ფინანსდება;

აღსანიშნავია, რომ დაფინანსება მოიცავს არჩევით ექიმის აყვანისა და გაუტიკივარების საფასურს. ასევე, მედიკამენტების, კვებისა და პირდაპირ და არაპირდაპირ ხარჯს; შესაბამისად, პაციენტს თანხის გადახდა არ მოუწევს.

რაც შეეხება ჩვენების გარეშე, პაციენტის მოთხოვნის საფუძველზე ჩატარებულ საკეისრო კვეთას, ან ე.წ. VIP პალატის მომსახურებას, აღნიშნული სერვისები სახელმწიფოს მიერ არ ფინანსდება;

აღნიშნული ცვლილება სამედიცინო დაწესებულებების დიაგნოზთან შეჭიდული ჯგუფებით (DRG) დაფინანსების სისტემის გაფართოების შედეგად განხორციელდა. DRG მოდელით მშობიარობისა და საკეისრო კვეთის მომსახურების ტარიფები გათანაბრდა და საყოველთაო ჯანდაცვის პროგრამაში ჩართულ ყველა სამედიცინო დაწესებულებაში, 1 222 ლარით განსაზღვრა;

რეფორმის მიზანი მაღალი ხარისხის სამედიცინო სერვისებზე მაქსიმალური ხელმისაწვდომობის უზრუნველყოფა, პაციენტის თანაგადახდის შემცირება, ჯანდაცვის სისტემის ეფექტურობის გაზრდა და საბიუჯეტო სახსრების ეფექტური ხარჯვაა.

ქვეყანაში საკეისრო კვეთის მაღალი მაჩვენებლის გამო, მიზანშეწონილად ჩაითვალა საკეისრო კვეთისა და მშობიარობის ფასის გათანაბრება, რაც შეამცირებს სამედიცინო პერსონალის მოტივაციას საკეისრო კვეთის სასარგებლოდ;

რეგიონული განვითარებისა და ინფრასტრუქტურის სამინისტროს ბიუჯეტი, 2024 წელს, 3 მილიარდ 400 მილიონი ლარი იქნება. მიმდინარეობს და გაგრძელდება გზების, ხიდებისა და მაგისტრალების მშენებლობა, მუნიციპალიტეტებისა და კურორტების ურბანული განახლება. 2024 წელს, 10 ტურისტულ ქალაქში დაიწყება მასშტაბური სამუშაოები, დასრულდება მთავარი მაგისტრალი რიკოთის უღელტეხილზე.

2024-2025 წლებში განხორციელდება ახალი პროგრამა, რომლის ფარგლებში, ეტაპობრივად, საცხოვრებლით დაკმაყოფილდება 1000-მდე უსახლკარო მრავალშვილიანი ოჯახი. პროგრამის განსახორციელებლად, ჯამურად გამოიყოფა 50 მილიონი ლარი.

ოკოლოგიური ქირურგია, როგორც გეგმური, ისე გადაუდებელი ოპერაციები, ქვეყნის მასშტაბით, ყველა ონკოპაციენტს (გარდა საბიუჯეტო სახსრებით დაზღვეული პირებისა) დაუფინანსდება. მათ შორის არიან დაზღვეული ვეტერანები და ის პაციენტებიც, რომელთა წლიური შემოსავალი 40 000 ლარზე მეტია.

მიმდინარე წლის აგვისტოდან ჰორმონოთერაპია, ქიმიოთერაპია, სხივური თერაპია და მედიკამენტები, ქვეყნის მასშტაბით, ყველა ონკოლოგიურ პაციენტს უფინანსდებოდა. დღეს საქართველოს მთავრობის მიერ დამტკიცებული ცვლილების მიხედვით, მოქალაქეებისთვის თანაბრად იქნება ხელმისაწვდომი როგორც ქიმიო/ჰორმონო/სხივური თერაპიებისა და მედიკამენტების, ისე ონკოლოგიური ქირურგიის დაფინანსება.

აღნიშნული გადაწყვეტილებით ონკოლოგიური დავადებების მკურნალობა, საყოველთაო ჯანდაცვის პროგრამის ფარგლებში, თითოეული ბენეფიციარისთვის, მათი შემოსავლის მიუხედავად, თანაბრად ხელმისაწვდომი იქნება.

ახალგორის მუნიციპალიტეტის გამგეობა ახსნაღებს განმეორებით ელექტრონულ ა უ ქ ც ი რ ნ ს

გატანილ იქნეს გასაყიდად განმეორებით ელექტრონულ აუქციონზე ახალგორის მუნიციპალიტეტის გამგეობის საკუთრებაში არსებული მსუბუქი ავტოსატრანსპორტო საშუალება სედანი „FORD TAURUS FWD INTERCEPTOR“, გამოშვებული 2014 წელს, ფერი რუხი 5/8, საიდენტიფიკაციო ნომერი IFAH-P2L99FG124603, სარეგისტრაციო მოწმობის ნომერი AM4766301, სახელმწიფო ნომერი DV-733-VD, საწყისი საპრივატიზებო საფასური განისაზღვროს 10500 (ათი ათას ხუთასი) ლარით.

მითითებული ქონების „ბე“-ს ოდენობა განისაზღვროს საწყისი გასაყიდი ფასის 20%-ით, ბიჯის ოდენობა საწყისი გასაყიდი ფასის 1%-ით.

ელექტრონული აუქციონის დასაწყისი 2023 წლის 27 ნოემბერი. დასასრული 2023 წლის 11 დეკემბერი;

პრივატიზებისას შეძენილი ქონების სრული ღირებულების გადახდის ვადად განისაზღვროს შესაბამისი ხელშეკრულების გაფორმებიდან 15 (თხუთმეტი) კალენდარული დღის ვადა.

გამოვიჩინოთ მეტი სივრცისილა და უკაღლეა

ახალგორის მუნიციპალიტეტის სერვის-ცენტრი კიდევ ერთხელ მოუწოდებს მოსახლეობას, მეტი სივრცისილე და ყურადღება გამოიჩინოს, რათა აღარ შეიქმნას ისეთი პრობლემები, რაც საკანალიზაციო სისტემის გაჭედვას, ეზოების დატბორვას და წყლის მიწოდების შეფერხებასაც იწვევს, რის მაგალითიც სულ ახლახან, კიდევ ერთხელ გვქონდა.

ეზოებში განთავსებული ჭებიდან სისტემაში მოხვედრილი იყო სრულიად შეუსაბამო საგნები: საყოფაცხოვრებო და სამეურნეო ნარჩენები, მყარი ნივთები, რამაც მილის გაჭედვა გამოიწვია.

რთული მდგომარეობა შეიქმნა, რადგან მოსახლეობის ნაწილს ჭები აქვს დალუქული, მიწისგან ან სხვა მასალისგან ამოვსებული, რაც აფერხებს საკანალიზაციო სისტემის ფუნქციონირებას. პრობლემის მოსაგვარებლად აუცილებელი გახდა სპეციალური დანიშნულების მანქანის მოძიება. მუნიციპალიტეტს ამ მხრივ დახმარება აღმოუჩინეს მცხეთის მუნიციპალიტეტის მერმა და გუბერნიამ, ასევე წყლის გაერთიანების კომპანიამ.

დასასრული მე-8 გვერდზე

ანიტა გვრიტიშვილი – პირველი პოლიციის მაიორი ქალი ახალგორიდან

ბევრი ნიჭიერი, წარმატებული და საამაყო ქალბატონი გვყავს ახალგორელებს. ერთ-ერთი მათგანია ანიტა გვრიტიშვილი, რომელსაც ახლახან, ვადამდე, პოლიციის მაიორის წოდება მიენიჭა. ანიტამ წარმატებით დაამთავრა საქართველოს პოლიტექნიკური ინსტიტუტი, შემდეგ კი – პოლიციის აკადემია... დანარჩენს ჩვენი დიალოგიდან შეიტყობთ.

– ანიტა, ახალგორის მუნიციპალიტეტის სახელით გილოცავთ პოლიციის მაიორის წოდებას, რომელიც ახლახან მოგენიჭათ. მუნიციპალიტეტის თანამშრომლებს სიამაყე გვეუფლება იმის გამო, რომ ჩვენი გუნდის წევრი იყავი და ყველას თავი დაგვამახსოვრე, როგორც გულისხმიერმა და მაღალი პასუხისმგებლობის მქონე თანამშრომელმა...

ახალგორელებს ბევრი საამაყო და წარმატებული ქალი გვყავს. შენ პირველი მაიორი ქალი ხარ... რა შეგრძნებაა ეს – კომფორტია თუ დიდი პასუხისმგებლობა?

– მართლაც, პირველი ქალი ვარ, ვისაც ეს საპატიო წოდება მიენიჭა... მამაკაცები გვყავს, მაიორებიც და უფრო მაღალი წოდებითაც – პოლკოვნიკები... შეგრძნებაა საამაყო და ამავე დროს დიდი პასუხისმგებლობა ჩემი პროფესიული საქმიანობიდან გამომდინარე. ოცნება მაქვს, პოლკოვნიკი გავხდე, რომელსაც ღმერთის იმედით მალე მივაღწევ.

– თქვენს განვილ გზაზე მოგვიყვით – უმცროსი ლეიტენანტიდან მაიორობამდე...

– 2007 წლიდან 2016 წლამდე ვმუშაობდი ქვემო ქართლის პოლიციის დეპარტამენტის რუსთავის საქალაქო სამმართველოში. ბოლოს დეტექტივ-გამომძიებელი ვიყავი, წოდებით კაპიტანი, სამსახურის დატოვება რომ მომიწია. შემდეგ ახალგორის გამგეობაში დავინიშნე მუშაობა და ამ წლის მარტიდან ისევ დავბრუნდი შს ორგანოებში, შსს მცხეთა-მთიანეთის პოლიციის დეპარტამენტის საგამომძიებო სამმართველოში, გამომძიებლის პოზიციაზე. დაბრუნების დროს ჩემი წოდება და წელთა ნამსახურობა იმ ეტაპიდან გამომიგრძელდა, სადაც დავტოვე. მაიორის წოდება ჯერ არ მეკუთვნოდა, მაკლდა ერთი წელი, მაგრამ ახლა, გიორგობისთვის „სამსახურეობრივი მოვალეობის სანიშნოდ შესრულების, კეთილსინდისიერი სამსახურისა და გიორგობის დღესთან დაკავშირებით“ ეს წოდება მივიღე, რომელიც უფროსი სპეციალური წოდებაა ჩვენი სამინისტროს რიგებში და ბედნიერი ვარ. მოულოდნელი იყო ჩემთვის. არაჩვეულებრივი ხელმძღვანელობა მყავს, ყველა პირობას ქმნიან, რომ თავი იგრძნო ღირსეულად და თითოეული ჩვენი თანამშრომლის გვერდში დგანან საქროების შემთხვევაში.

ბედნიერი ვარ, რომ ისევ დავბრუნდი ჩემს საყვარელ საქმეს. ვიძიებ სისხლის სამართლის საქმეებს და ძირითადად მცხეთა-მთიანეთის რეგიონში მომხდარი მკვლელობის ფაქტებს (საგამომძიებო ჯგუფთან ერთად), საქროების შემთხვევაში, ასევე, სხვა დანაშაულებს.

რაც შეეხება ახალგორის გამგეობას და ჩვენს მუნიციპალიტეტს, სადაც არ უნდა ვიყო და ვმუშაობდე, მაინც ჩემი მუნიციპალიტეტის გულშემმატივარი დავრჩები ნებისმიერ საკითხში, თუკი რამე შემეძლება ჩემი რაიონისთვის.



– ანიტა, მკითხველისათვის საინტერესო იქნება, გვიამბოთ თქვენი ბავშვობის შესახებ... ჩვენ ყველანი ხომ, როგორც ეგზიუპერი ამბობდა, ბავშვობიდან მოვდივართ. რაზე ოცნებობდით ბავშვობაში?

– ბავშვობა კარგი მქონდა, ნათელი, ფერადი. რადგან ახალგორში და ჩემს სოფელში, იკოთში გავიზარდე. სკოლაც იქ დავამთავრე და თითქმის ყველაფერი მქონდა. სხვათა შორის, ჩემი ბავშვობის ოცნება იყო, გამომძიებელი ვყოფილიყავი. დღემდე მახსოვს წიგნი, „გამომძიებელი ქალი შორენა“, რომელმაც ჩემზე დიდი შთაბეჭდილება მოახდინა...

– ადამიანისათვის ცხოვრებაში რა არის მთავარი?..

– მთავარი ადამიანის ცხოვრებაში ალბათ სუფთად და პატიოსნად ცხოვრებაა, სიმართლით ცხოვრება და არ არსებობს მიუღწეველი მიზანი, თუ შენ ყველაფერს გააკეთებ საამისოდ.

– თქვენი ერთადერთი შვილი ლაშა გიგაური წელს სტუდენტი გახდა...

– დიას, საქართველოს უნივერსიტეტის სამართალმცოდნეობის პირველი კურსის სტუდენტი. ჩემი ლაშა ჩემთვის ამომავალი მზე, რომელსაც სულ ვედგები გვერდში, ორმაგად.

– ეს სიტყვა ძალზე მნიშვნელოვანი და მართლაც ორმაგად ტკივილიანია ქალისთვის, რომელმაც საყვარელი მეუღლე დაკარგა ძალზე ახალგაზრდულ ასაკში... თქვენ თანაკლასელები იყავით, გიორგი თურმე სულ შენს ფოტოებს დაატარებდა ჯიბით...

– კი, ასე იყო... გულწრფელი სიყვარულით შევექმენით ოჯახი... მერე ლაშა დაიბადა... თითქოს ერთი გაეღებოდა იყო მისი სიცოცხლე... თვალსა და ხელს შუა გეპარება სიცოცხლე საყვარელი ადამიანისა და ვერაფერს უხერხებ დროის ამ ვერაგულ რბოლას... ნუგეშად ისლა გვრჩება, რომ ამ ქვეყნად დატოვებულ მის სახელს, ადამიანობას არასოდეს გაუვა ფასი, ყოველთვის ჩვენს გულში იქნება. ოჯახის, ნათესავების, მეგობრების გულში...

– რის გეშინიათ?..

– არ ვარ ღმერთის უკმაყოფილო და არასდროს გავბრაზებულვარ მასზე, რადგან ეს ტვირთი მარგუნა. ადამიანებს, მართალია, ხშირად გვეძლევა დაუმ-

გულში ჩაუვებით მზა, უფლის სიყვარული და შრომა არ დაიხაროთ



ახალგორელებს გვახსოვს რაიონული ფოსტის თანამშრომელი მურაზი ნიაური, წელში გამართული, ღიმილიანი, სპეციალური ჩანთით რომ ჩამოვივლიდა დაწესებულებებს და საჭირო დოკუმენტებს გადასცემდა. დღეს ბატონი მურაზი 84 წლის ბრძანდება. ცხოვრობს მეუღლესთან დარეჯან ფიცხელაურთან შეხმატკბილებული, შვილები გაზარდეს, დაფრთიანეს და თავ-თავიანთ

ოჯახებში ცხოვრობენ შვილ-შვილიშვილებში გალალე-ბულები, არც ასაკოვან მშობლებს აკლებენ ყურადღებას და მზრუნველობას.

ჩვენი საუბარი მისი, დღევანდელი მისიგან ძალიან განსხვავებული, ბავშვობიდან დავიწყეთ...

– ობლად გავიზარდე... მამაჩემი დიდ სამამულო ომში /1941-45 წ.წ/ გაინვიეს. ახლადმოტაცებული ცოლი ჰყავდა... იმ დროს ბიჭს თუ გოგო მოეწონებოდა ან შეუყვარდებოდა, იტაცებდა და შემდეგ ბედნიერად ცხოვრობდნენ... ომი რომ დაიწყო, სულ რამდენიმე თვის დაქორწინებულები იყვნენ ჩემი მშობლები... მამაც ობლობაში იყო გაზრდილი და არც ეკუთვნოდა თურმე ომში წაყვანა, მაგრამ მაინც წაიყვანეს. სამ-წუხაროდ, მამა აღარ დაბრუნებულა... დედაჩემი კატო მემარნიშვილი მეტყოდა ხოლმე: სანამ წინა ხაზზე წაიყვანდნენ, წინამართან ყოფილა ჯარისკაცების მომზადების კურსები და დედა ფეხით წასულა მამას სანახავად ერთხელ... მამას უთქვამს: კატო, არ მილალატოო...

ანიტა პრიტიუშვილი – პირველი პოლიციის მაიორი ქალი ახალგორიდან

მე-5 გვერდიდან

სახურებლად განსაცდელეები, მაგრამ ღმერთი ისეთ განსაცდელს არ მოგვივლენს, რასაც ვერ გადავიტანთ. ალბათ ასე უნდა მომხდარიყო. გიორგიმ წაიღო ჩემი სული და გული. სევდა ბევრი მაქვს, რომელსაც სიტყვებით ვერ გადმოვცემ, შეუძლებელია, ეს მხოლოდ გულმა იცის.

მეშინია მხოლოდ სიკვდილის, რომელსაც ველ-არაფერს უშველი. ყველა რთული საქმიდან და გამოუვალი სიტუაციიდან გამოხვალ ადამიანი, გარდა სიკვდილისა. მხოლოდ ეს მაშინებს, სხვა არაფერი...

– და ბოლოს... ახალი წელი ახლოვდება...

– მინდა, ახალი 2024 წელი მშვიდობის იყოს ჩვენი ქვეყნისთვის და თითოეული ჩვენგანის ოჯახებისთვის. ყველა ჩემთვის ძვირფასი ადამიანი ბედნიერი იყოს და არასოდეს მოშლოდეთ სიკეთე და სიხარული. ვინატრებდი, რომ ახალი 2024 წელი იყოს ჩვენი ქვეყნის გამთლიანების და ჩემი ახალგორის დაბრუნების წელი, რომელიც არც თუ ისე შორეული სურვილია...

დედას პირობა მიუცია და ამ პირობის ერთგული დარჩა სიკვდილამდე... ობლობაში გავიზარდე... მამის ჩემი ასაკის ბავშვს იშვიათსლა ჰყავდა მამა, თუ ჰყავდა, ომიდან დაავადმყოფებული იყო დაბრუნებული...

დედა მყავდა ძლიერი ქალი. დაჯილდოებული იყო განსაკუთრებული მუსიკალური ნიჭით... მღეროდა კარგად, უკრავდა ფანდურზე, გიტარაზე... ობლობასა და გაჭირვებას სიმღერით, სიმშვიდით ვებრძოდი...

იკოთის სკოლაში დავდიოდი. ნიაურთ უბნიდან ოთხნი დავდიოდი: ანზორი, მარგო, ქეთევანი და მე... ქეთევანი და მარგო ამ ქვეყნად აღარ არიან, ნათელი მათ სულელებს... ბევრი მაშინდელი მოგონება მზის სხივით მინათებს გულს, მიუხედავად იმისა, რომ ძალიან დიდი გაჭირვება იყო...

– არავინ გეხმარებოდა?

– ომის შემდგომი პერიოდი იყო, ყველას უჭირდა. მამაჩემის ძმაც ომში დაიღუპა. მაგრამ დედაჩემის მშობლები ცხოვრობდნენ ჩვენთან ახლოს და როგორც შეეძლოთ, გვეხმარებოდნენ.

ჩემს ბავშვობაში და ყმანვილობაში სკოლის დირექტორი იყო ვასო ნიაური, იმის სულს ვენაცვალე. მამაჩემი და ძია ვასო ძმათა შვილები იყვნენ... სულ ყურადღების ცენტრში ვყავი... მკაცრი, მაგრამ სამართლიანი დირექტორი იყო, მაგრამ მე განსაკუთრებულად თბილად მექცეოდა... სკოლა რომ დავამთავრე, მეც ჯარში მიკრეს თავი, ხარკოვში ვმსახურობდი. ობლები არ მიჰყავდათ არც მამის, მაგრამ უსამართლობაც ბევრი იყო და წამიყვანეს. როცა ჯარიდან დავბრუნდი, ძია ვასო ფოსტის უფროსთან, მიშა პოლოსოვი იყო მაშინ უფროსად, მისულა და უთხოვია: ეს ობოლი ბიჭი ჯარგამოვლილია, გზაზე დამიყენე, სადმე დააწყებინე მუშაობაო... იმანაც დამიბარა და გამცილებად დამნიშნა. რამდენიმე წელი ვიმუშავე...

– სიყვარული როგორ გენვიათ?

– სიყვარული... ლამაზი გოგო იყო დარეჯანი, დუშეთში მუშაობდა. მაშინ გამოდიოდა გაზეთი „ახალგაზრდა კომუნისტი“ და იქ იყო ამისი სურათები. წერდნენ, როგორც წარმატებულ ახალგაზრდაზე და ჩემმა მამიდაშვილმა გამაცნო...

– როგორ გამოუტყვდი სიყვარულში?

– ინტერნეტი რომ ყოფილიყო, უფრო იოლი იქნებოდა (იცინის), მაგრამ ოჯახში მივედი კაცურად... მშობლებმა მითხრეს, ბევრი მთხოვნელი ჰყავს, ყველას ემალებოდა აქამდე და შენ არ დაგემალო... ან რას დამინუნებდნენ (იცინის)? ჰოდა, დავქორწინდი...

– ნახევარ საუკუნეზე მეტია, ერთად ცხოვრობთ... გაფერმკრთალდა სიყვარული?

– არა, პირიქით – ეს სიყვარული მზრუნველობასა და მოფრთხილებაში გადაიზარდა... ახლა მარტოკები ვცხოვრობთ, ერთმანეთის მეტი თითქოს არაფერი გვა-



ქვს საფიქრალი... 5 შვილი გვყავს – მზია, ლალი, ეკა, ნონა, თეა... შვილებზე როგორ არა ვფიქრობთ და ვეხმარებით კიდევ, მაგრამ ყველას თავისი ოჯახი აქვს, თავისი საქმე, შვილები ჰყავთ, შვილიშვილები...

– რამდენი შვილიშვილი გყავთ?

– 12 შვილიშვილი გვყავს და 18 შვილთაშვილი. გავმრავლდით, და ნოდარ დუმბაძისა არ იყოს, მთელი სოფელი ვართ...

– ყველას სახელი გახსოვთ?

– შვილიშვილებისა კი: გლახო, ბაჩო, ნორიკო, მურაზი, სოფიკო, ამირანი, თინა, ხატია, მარი, დარეჯანი, დიმიტრი... აი, შვილთაშვილების სახელები მერევა ხოლმე... მარტო, დედისერთა რომ ვიყავი, ბევრი შვილი მინდოდა მყოლოდა და ეს ოცნება ამიხდა. ჩემი მეუღლეც 8 დედამიშვილი არიან, ასე რომ, ერთხმად გვინდოდა მრავალშვილიანობა და ვართ ახლა ასე ლამაზად სიბერის კართან...



– რამდენი წელი მუშაობდით ფოსტაში?

– უჰ... მთელი ცხოვრება, 50 წელზე მეტი... თავიდან გამცილებლად ვმუშაობდი. მაშინ საბჭოთა კავშირი იყო და შეიქმნა „სპეცკავშირი“... ახლა ღიმილით ვიგონებ ხოლმე... აბა, დატრიალდნენ ბობოლა ძიები, ყველას თავისი ნათესავი უნდოდა დაენიშნა ამ ადგილზე, მაგრამ მიმა პოლოსოვმა, იმ სულგანათლებულმა გამაფრთხილა: აბა, ახლა წადი თბილისში, სხვა კანდიდატურა გაგზავნილი და როგორმე ჩაასწარიო... მართლაც, წავედი ტაქსით და მივუსწარი. ბრძანებაც დამინერეს და ამ ღრმა სიბერემდე შემოვრჩი და კმაყოფილიც ვარ... ბევრი ჯილდო, მედალი, სიგელი, სამკერდე ნიშანი მაქვს მიღებული. ორჯერ ყრილობის დელეგატიც ვიყავი, ჩემი სურათი მოსკოვში საპატიო დაფაზე იყო (მაშინ მიხაროდა ძალიან)...

მაგრამ რას მიქვიან ჩინ-მედლები, ჩემი ცხოვრების მთავარი ჯილდო ჩემი დიდი ოჯახია და ხალხის სიყვარული... და კიდევ ერთი გარემოება: უკან მოხედვისა არასდროს შემრცხვება, გულით ვემსახურე ჩემს საქმეს, ჩემს რაიონს... არც ჩემს მოდგმას შერცხვება როდისმე ჩემ გამო... პირიქით, ეამყებათ, როცა ეუბნებიან, მურაზის შვილიშვილი ხარ... რა კარგი კაცია პაპაშენიო... ეს არის ჩემი მთელი ცხოვრების სიმდიდრე...

შეაჩიროთ ქალთა მიმართ ძალადობა!

ქალთა მიმართ ძალადობის წინააღმდეგ 16-დღიანი კამპანია მსოფლიოში 1991 წლიდან იმართება, 25 ნოემბრიდან 10 დეკემბრის ჩათვლით. კამპანიას მსოფლიოს 187 ქვეყანა და 5000-ზე მეტი ორგანიზაცია აღნიშნავს. კამპანიის მიზანია ქალთა მიმართ ძალადობის საკითხებზე საზოგადოების ცნობიერების ამაღლების გზით ძალადობის პრევენციის ხელშეწყობა. ეს საკითხი, ისევე, როგორც მსხვერპლთა დაცვა, საქართველოს მთავრობისთვის ერთ-ერთი პრიორიტეტული საკითხია.

ბოლო წლების მანძილზე საქართველომ მნიშვნელოვან წარმატებას მიაღწია ამ მიმართულებით, რაც განპირობებულია მულტისექტორული, კოორდინირებული მიდგომითა და მიზანმიმართული პოლიტიკის განხორციელებით.

ევროკომისიის 2023 წლის 8 ნოემბრის საბოლოო ანგარიშში დადებითად არის შეფასებული გენდერულ ძალადობაზე ინსტიტუციების მიერ რეაგირება და ხაზგასმულია, რომ სახელმწიფოს პასუხი ძალადობაზე არის ქმედითი და მკაფიოდ განსაზღვრული.

ზემოაღნიშნულ ანგარიშში ასევე ასახულია საქართველოს ხელისუფლების მიერ დამტკიცებული სტრატეგიული დოკუმენტები და კანონმდებლობა გენდერული თანასწორობის, გენდერული ძალადობისა და ოჯახში ძალადობის საკითხებზე, მათ შორისაა „ქალებზე, მშვიდობასა და უსაფრთხოებაზე გაეროს უშიშროების საბჭოს რეზოლუციების განხორციელების“ და „ქალთა მიმართ ძალადობისა და ოჯახში ძალადობის წინააღმდეგ ბრძოლისა და მსხვერპლთა (დაზარალებულთა) დასაცავად გასატარებელ ღონისძიებათა“ 2022-2024 წლების ეროვნული სამოქმედო გეგმები და გენდერული თანასწორობის კონცეფცია.

– საყვარელი სადღეგრძელო...

– მშვიდობის. ოჯახის, შვილების... მერე და მერე /დალევისას/ უფრო ჩნდება ლამაზ-ლამაზი სადღეგრძელოები...

– თქვენი იუმორიც ცნობილია...

– კი. მიყვარს ხუმრობა. იუმორმა გადამარჩინა და მაცოცხლა აქამდე, არც მე ვარ ბოლმინი და არც სხვა მიყვარს, ბოლმა-შურით რო აქვს გული და ენის წვერი სავსე... შუბლზე ჭირხლი რო გადასდით სიბოროტისა...

სშირად ვანთებთ მე და ჩემი დედაკაცი სანთელს და ლოცვასა და მადლიერებას არ ვაკლებთ ღმერთს ყოველი გათენებული დღისთვის... მთელი ცხოვრება ალალი შრომით ვიარე... ენატრება ის დრო ახალგაზრდობისა, უბანში რომ გამოვიდოდით მეზობლები, ვმღეროდით, ვცეკვავდით კიდევ... აბა ეხლანდელი ბავშვებივით არც მობილურები გვქონდა და არც ინტერნეტი... ჩვენი გართობა ერთმანეთის სიახლოვე, ურთიერთობა, ტკბილი საუბარი, მოლხენა იყო...

– რას უსურვებთ ჩვენი გაზუთის მკითხველს...

– ჩემი ხნისა და უფრო მეტი მოიყარეთ... გულში ჩაუშვით მზე, უფლის სიყვარული, შრომა არ დაიზაროთ და ყველაფერი კარგად იქნება.

ჩვენებურები

მიტალი ქნაქაქი

დიდი ბალანნი

ხარწოლიათს ხარით ხნავდენენ დიდი ბალანნი, ბარბითებში მუსიკობდა ხალხის გალავანი, შავი ჩოხის ჩაცმულობით უჩნდათ ტალავარი, კაფანდრობით ირჩეოდა მათი ფალავანი, თრთოდა დედო ზარის რეკვით ცაცხვის ტალავარი, ციხე-ტაძრით მაგრდებოდა ბალას ბალავარი.



დავბრმი, დავყრუედი, უმძლოლოდ თოფს თითი ველარ გამოვკარ, ლექსს ამოვინვდი, – ქსანზე მტერს იქნებ ეს მაინც შამოვკრა!


„წავიდა, ბაძრა, სიზმრებრივ ჩქარა...“

ყველა ახალგორჯელს გულს გვიკლავს ულამაზე-სი ქსნის ხეობის ამჟამინდელი მდგომარეობა. დღეს, უმდიდრესი წარსულის მქონე საერისთავოს ერთი ნამსხვრევთავანია სოფელი ყანჩავეთი – ერთ დროს ძლიერი ცენტრი ქართული კულტურისა. მის სამონასტრო ტაძარში, საუკუნეების განმავლობაში იქმნებოდა უნიკალური ნიგნები, უნიკალური ნახატებით გაფორმებული.

ყანჩავეთის კაბენში მოღვაწეობდა ერისთავების სახლიკაცი ევდემოზ რატიშვილი, სამაგალითო ქსნის-ხეობელი, რომელმაც 1674 წ. დაამზადებინა ჟამნ-გულანი და შესწირა „კაბენის მონასტერსა გეთსემანიის ღვთისმშობელსა“.

ტაძრის მდიდარი ბიბლიოთეკიდან ასევე მნიშვნელოვანია მე-12-მე-13 საუკუნეების „ყანჩავეთის ოთხთავი“.

დღეს დანგრეული ტაძრის აღდგენის საშუალება არ გვეძლევა. ერთი ძველი გადმოცემის თანახმად, მონასტერს დაფლული ჰქონია ძვირფასი თვალი, რომლის საფასით სრულიად შესაძლებელია საჭიროების



„ყანჩავეთის ჟამნ-გულანი“

შემთხვევაში ტაძრის ხელახლა აღდგენა. კიდევ კარგი უცნობია თვალის ადგილ-მდებარეობა, თორემ ისიც მისივე ბიბლიოთეკის ნიგნთა ბედს გაიზიარებდა, რაზეც ორიოდ სიტყვა მინდა გითხრათ:

სასულიერო პირმა დიმიტრი ჯაშმა ყმანვილობა დედინაცვალთან - ფიცხელაურების ქალთან, იკოთში გაატარა. საიდანაც იცნობდა რკინიგზის მღვდელს ნიკიფორე მამამთავრიშვილს. ერთხელ ჯაშს ნიკიფორესთვის, შეხვედრისას გულდანყვევით უთქვია: „1885 წელს მინახავს ყანჩავეთის მონასტერში ხის კიდობანი, სავსე ძველი ნიგნებით და ქალაღებით, ოთხი წლის წინეთ კი სულ ცარიელი ვნახე. ამ კიდობნის ამბავი კარგად უნდა იცოდეს მღვდელმა ალექსანდრე ტატუნაშვილმა, რომელიც ყანჩავეთიდან არის.“

ნიკიფორემაც, ამ ამბის მოსმენის შემდეგ არ დააყოვნა და მიამბო:

„ალ. ტატუნაშვილმა ბევრი ქალაღები ამოარჩია კიდობნიდანო და ერთი სახარება ტყავზე ნაწერიო. კიდევ ორი ნიგნი ტყავზე ნაწერი, რომელიც მე ყანჩავეთის სამრევლო ეკლესიაში მინახავს. ერთი მათგანი ნახატებიანი და შვენიერი რამ არიო“...

ასე „წავიდა, გაქრა, სიზმრებრივ ჩქარა,“ საბუთი ჩვენი ხეობის თავგამოსადები დიდი კულტურისა!

გამოვიჩინოთ მეტი სიფრთხილე და უპრადლევა

მე-4 გვერდიდან

სერვისცენტრი აცხადებს, რომ მნიშვნელოვანია თითოეული მოქალაქის მონაწილეობა, საერთო პრობლემაზე ერთობლივი მუშაობა და მოუწოდებს მოსახლეობას, არ ჩაყარონ საკანალიზაციო ჭებში არანაირი ნარჩენები ან ნივთები (განმენდითი სამუშაოების დროს ამოღებული იყო საბნები, ტანსაცმელი, პირადი მოხმარების ნივთები და სხვა).

სისტემის შეფერხება ზიანს აყენებს დასახლების ყველა მაცხოვრებელს და განსაკუთრებით იმ ადამიანებს, ვის სახლებს და ეზოებსაც დატბორვის საფრთხე ექმნება.

„მტკვარი სისხლით შეიღება“



გოჩა ბუთ-
ხუზი ახალგო-
რის რაიონის
სოფელ გა-
ვაზიდან არის.
მის შემოქმედ-
ებაში საპა-
ტიო ადგილი
უკავია პოემებს
საქართველოს
ისტორიის
თემებზე. დღეს
ვბეჭდავთ
ნაწყვეტს

პოემიდან, რომელიც ეძღვნება 100
ათასი წმინდა მონაშის ხსოვნას. 13
ნოემბერს საქართველოს მართლ-
მადიდებელი ეკლესია სწორედ 100
ათასი მონაშეს იხსენიებს.


ხვარაზმის შაჰი, ჯალალედინი,
ბიჯნისს მოვიდა, დაიდო ბინა,
ქართველთა ჯარის მთავარსარდალის
ნახვა ისურვა ჯალალედინმა...
შეხვედრის შემდეგ, მთავარსარდალი
ცალკე გაიხმო ჯალალედინმა,
„მე ქართველებთან მეგობრობა მსურს,
– სარდალს მიმართა ჯალალედინმა...
– მე თქვენთან მტრობა არ მდომებია,
თქვენ გამიმართეთ ომი გარნისთან;
ახლა დავზავდეთ და დავმეგობრდეთ,
ახლოს გაცნობა მსურს მე ხალხისა...
გაგონილი მაქვს უძლეველობა
და შემართება ქართველთა ქვეყნის
ქართველთ ბუნება,
ქართველთ სიმტკიცე
და ერთგულება, მშობელი ქვეყნის...
მონღოლებისგან დამარცხებული,
საქართველოსკენ გამოვეშურე,
სამშვიდობოდ ვარ თქვენთან მოსული,
მეგობრობა მსურს,
გთხოვთ, რომ ირწმუნოთ...
საქართველოსთან მტკიცე კავშირით
მონღოლ დამპყრობლებს
გავანადგურებთ.
მოყვარული ვარ მე თქვენი ქვეყნის,
რუსუდან მეფის ცოლად შერთვა მსურს,
თქვენთან მოყვრობა, მსურს,
დამერწმუნეთ...
რუსუდან მეფე თუ უარს იტყვის,
შემოგესევით, გაგანადგურებთ...“
მთავარსარდალმა, ავაგ მხარგრძელმა,
ეს ყოველივე აცნობა თბილისს,
აღშფოთებულმა რუსუდან მეფემ,
თავის ფაიქი აფრინა ბიჯნისს...
შემოუთვალა ჯალალ-დამპყრობელს:
„არა მაქვს შენი მუქარის შიში...“
განრისხებული ჯალალედინი
გამოეშურა სალაშქროდ თბილისს...

...
1226 წელს
ჯალალი მოადგა თბილისს...
თბილისის დაცვა ევალათ
დემნა და ბოცო ჯაყელებს,
სახელოვან ქართველ გმირებს,
სამშობლოს ერთგულ დამცველებს.
...ბოცო და დემნა ჯაყელნი
ვაჟაკაურად დახვდნენ მტერსა,
განძის კარს გარეთ შეებნენ,
გულდაგულ ეკვეთნენ მტერსა...
და იქმნა ომი ძლიერი,
ქართველები სჩებდნენ მტერსა,
მომხდური უკუაქციეს,
და გმირობით სძლიეს მტერსა...
თბილისელმა მუსლიმებმა,
უღალატეს ქართველებსა,
ლამით კაცი მიუგზავნეს
ჯალალედინ ხვარაზმელსა:
„შენ გარედან შეუტეი
შენი ჯარით ქართველებსა,
ჩვენ შიგნიდან კარს გაგიღებთ
და თბილისში შეგიშვებთ“.

...
განძის კართან მუსლიმებმა
კარები გაუღეს მტერსა...
ვერვინ აღწერს იმ განსცდელს,
რაც დაატყდათ ქართველებსა,
ნუხილისგან შეშლილ დედებს
ზედ აკლავდნენ თვის შვილებსა...
ქუჩები სისხლით აივსო,
მდინარესავით დიოდა,
მტკვარი სისხლით შეიღება,
მტკვარი სულ წითლად დიოდა...
გამხეცებულმა ჯალალმა
უბრძანა თავის მხედრებსა:
„ვინც მაჰმადის რჯულს მიღებს,
მას სიცოცხლე აჩუქეთა“...
სიავით და სიბოროტით,
მტარვალთ გული ჰქონდათ სავსე,
სიონის წმინდა ტაძრიდან
წმინდა ჯვარი ჩამოაგდეს.
მაცხოვრისა და ღვთისმშობლის
ხატები გამოაბრძანეს,
ტაძრის გარეთ მოაგროვეს,
პირალმა ხიდზე დააყარეს...
ვინც არ უარყო ქრისტიანობა,
არ შეურაცხჰო წმინდა ხატები,
თავებსა კვეთდნენ და მტკვარში
ყრიდნენ,
არსაით იყო მათი საშველი...

...
ჯალალმა ქრისტიანები
ანამა, არვინ დაინდო,
ასი ათასი მორწმუნე
ქართველმა სანთლად აინთო...
...
და როცა შემოესივნენ
აზიას თათარ-მონღოლნი,
ჯალალედინი დამარცხდა
ძლიერნი იყვნენ მონღოლნი.

13 ნოემბერი – 100
ათასი წმინდა მონაშის
ხსენების დღე



ხვარაზმელი ჯალალ ად-დინის
ურდოები 1226 წელს თბილისს
ახალ განსაცდელად დაატყდა თავს.
ისინი საქართველოში შუა აზიიდან
შემოიჭრნენ. სპარსელებმა და
ხვარაზმელებმა დედაქალაქს ალყა
შემოარტყეს. თბილისი ამ დროს
სამი ნაწილისგან — კალას, ისნი-
სა და თბილისისგან შედგებოდა
და მისი ალყა არც თუ ისე ადვი-
ლი იყო. მტერი ქალაქს ნარიყალას
მხრიდან მოადგა. თბილისელი მაჰ-
მადიანები ხვარაზმელთა მხარეს
გადავიდნენ. მიუხედავად ამისა, ქა-
ლაქის მცხოვრებთა დიდი ნაწილი,
რომელთა უმეტესობასაც ხელოს-
ნები შეადგენდნენ, მედგრად იცავე-
და თბილისს. პირველი შემოტევები
ქართველებმა მოიგერიეს, მაგრამ
აღმოჩნდა, რომ თბილისში მცხ-
ოვრები მუსლიმები შეთქმული-
ყვნენ ქალაქის დასამხობად.
თბილისელმა სპარსელებმა მტერს
განძის კარი გაუღეს. საქართვე-

დასასრული მე-11 გვერდზე

მონღოლებისგან დევნილმა,
რამდენი გზები იარა,
ერთ დღეს უცნობი ჯალალი
მთიელ ქურთმა შეიფარა...
მძინარე ჯალალს მან დასცა
იატაგანი შიგ მკერდში,
სიცოცხლეს გამოასალმა
მტარვალ ქართველთა ქვეყნის...
გოჩა ბუთხუზი

23 (10) ნოემბერი – ბიორგობა

23 ნოემბერს, საქართველოს მართლმადიდებლური ეკლესია გიორგობის ბრწყინვალე დღესასწაულს ზეიმობს.



დღესასწაულთან დაკავშირებით, ყველა მოქმედ ეკლესია-მონასტერში საზეიმო ღვთისმსახურება აღევლინება.

ქართველთა უდიდეს წმინდანს, წმიდა გიორგის, ქართული ეკლესია წელიწადში ორჯერ მიაგებს პატივს.

23 ნოემბერს (ძვ. სტილით 10 ნოემბერს) მსოფლიო მართლმადიდებლური ეკლესია წმინდანის ბორბალზე წამებას აღნიშნავს, 6 მაისს (ძვ.სტილით 23 აპრილს) წმინდანის აღსრულების დღეს.

წმიდა გიორგის თავის კვეთას მხოლოდ საქართველოს სამოციქულო ავტოკეფალური მართლმადიდებლური ეკლესია აღნიშნავს.

საქართველოში განსაკუთრებულად დიდ პატივს მიაგებენ წმინდანს, რაც მე-18 საუკუნის ისტორიკოსისა და გეოგრაფის ვახუშტი ბატონიშვილის სიტყვებიდანაც ჩანს. “არა არს საქართველოში არცა მთანი და არცა მაღალნი ბორცვნი, სადაცა არ იყოს ტაძარნი ანუ ნიშანი წმიდისა გივარგისანი”. მართლაც, საქართველოს სხვადასხვა კუთხეში წმინდა გიორგის სახელზე წელიწადის დღეების შესაბამისად, 365 სალოცავი აიგო.

ლეგენდის მიხედვით, წმიდა გიორგის სიკვდილის შემდეგ ღმერთმა მისი სხეული დაანაწილა და ქვეყანაზე მიმოაბნია. ყველგან, სადაც ეს ნაწილები მოხვდა, სალოცავები დააწესა.

აღმოსავლეთ საქართველოს მთაში დღემდე შემორჩენილია ადგილობრივი ღვთაებები, რომელთაც თავისი სახელების გარდა, გიორგისაც უწოდებდნენ (ლამარი, ლომისა, ხახმატი და ა. შ.), ბარში კი ძველი წარმართული ღვთაება მთლიანად შეცვალა ქრისტიანულმა წმინდა გიორგიმ.

ცნობილია, რომ წმიდა გიორგი და წმინდა ნინო ნათესავები იყვნენ. წმიდა გიორგი მესამე საუკუნის მეორე ნახევარში კაბადოკიაში, მდიდარ ქრისტიანულ ოჯახში დაიბადა. მამამისი მონამეობრივად აღესრულა. დაქვრივებული დედა კაბადოკიიდან რომში წავიდა და იქ განაგრძო შვილის ქრისტიანულად აღზრდა. ჭაბუკი გიორგი რომის ლაშქარში მხედრად განწესდა.

ახოვანმა და უშიშარმა მეომარმა მალე იმპერატორ დიოკლეტიანეს (284-305) ყურადღება მიიპყრო. მან თავის პირად მცველად დანიშნა წმიდა გიორგი და მხედართმთავრის მაღალი წოდება უბოძა. თუმცა კერპთაყვანისმცემელმა იმპერატორმა თავისი განმგებლობის ბოლო წლებში სასტიკი ბრძოლა გამოუცხადა ქრისტიანობას.

წმინდა გიორგიმ ეს რომ შეიტყო, გაათავისუფლა თავისი მონები, ქონება გლახაკთ დაურიგა, სენატში გამოცხადდა, საჯაროდ აღიარა ქრისტიანობა და ყველა იქ მყოფსაც მოუწოდა, მიეღოთ ჭეშმარიტი სარწმუნოება:

“მე მონა ვარ ქრისტესი, ღმრთისა ჩემისა და მსასობელი მისი. საკუთარი ნებით წარვმდგარვარ თქვენ წინაშე, რათა ვენამო ჭეშმარიტებისთვის”.

თავისი საყვარელი მხედართმთავრის კადნიერი სიტყვით თავზარდაცემულმა დიოკლეტიანემ სცადა დაერწმუნებინა იგი, ქრისტეს განსდგომოდა და მსხვერპლი შეენირა კერპებისთვის, რაზედაც მონამე პასუხობს: “ჩემთვის ცხოვრებაა ქრისტე და სიკვდილი შესაძინელ”.

რამდენიმე დღის განმავლობაში გიორგის სასტიკად აწამებდნენ. თუმცა სასანაულბერივი ძალით მისი ყველა იარა მთელდებოდა. საბოლოოდ იმპერატორმა მისთვის თავის მოკვეთა გადაწყვიტა. დასჯის წინ წმიდა გიორგიმ შესთხოვა უფალს, შეენდო მტარვალთათვის, რომელთაც არ უწყოდენ, რას იქმოდნენ და სთხოვა, ჭეშმარიტი რწმენის შეცნობამდე მიეყვანა ისინი, შემდეგ კი მორჩილებით მოუდრიკა ქედი ჯვალათის მახვილს.

წმინდა გიორგი 30 წლის ასაკში ეწამა და ეკლესიის ისტორიაში შევიდა, როგორც ძღვევაშემოსილი და უძღვეველი ზეციური მხედარი. იგი აღესრულა 303 წლის 23 აპრილს.

ანდერძისამებრ, წმიდა გიორგის სხეული პალესტინის ქალაქ რამლაში დაკრძალეს, კონსტანტინე დიდი მეფობის დროს კი წმინდანის სახელზე აშენებულ დიდი ტაძარში გადაასვენეს, ქალაქ ლიდიაში.

წმიდა გიორგის სასწაულთაგან ყველაზე გამორჩეულია მის მიერ გველეშაპის განგმირვა, რის გამოც ქრისტიანულ სამყაროში ბოროტებაზე სიკეთის გამარჯვების სიმბოლოდაა აღიარებული.

ტროპარი:

ტყვეთა განმათავისუფლებლო, და გლახაკთა ხელის აღმწყობლო, სწულთა მკურნალო, და მეფეთა უძღვეველო, წინამბრძოლო, ღვანლით შემოსილო დიდო მონამეო გიორგი, ევედრე ქრისტესა ღმერთსა შეწყალებად სულთა ჩვენთათვის.

კონდაკი:

მოიმუშაკე ღმრთისა მიერ და გამოსწნდი მუშაკად პატიოსნად ღმრთის-მსახურებისა გიორგი, და სათნოებათა მჭეულელი შეუკრიბე თავსა შენსა, რამეთუ ცრემლით სთესე და სიხარულით მოიმკე, სისხლი დასთხიე და მოღვაწეობითა ქრისტე შეიძინე, და ან მოხვებითა შენითა იხსნი სიკუდილისაგან სულთა ჩუენთა.

13 ნოემბერი – 100 ათასი მონაპის სსანაპის დღე

მე-9 გვერდიდან

ლოს მეფე რუსუდანი ქუთაისში იყო. მემნა ჯაყელი ქალაქის მარჯვენა სანაპიროს იცავდა, ბოცო ჯაყელი — მარცხენას. თუმცა ქართველები დამპყრობლებს მაინც ძალიან მოუმზადებლები შეხვდნენ.

1226 წ. 9 მარტს მტერი დედაქალაქში შემოიჭრა. ქალაქის მცველებმა ისნის ციხეს შეაფარეს თავი და მტრით გარემოცულნი იქიდან აგრძელებდნენ ბრძოლას. საქართველოს მთავარსარდლობამ ისანში ჩაკეტილ მეციხოვნეთა მდგომარეობა უიმედოდ მიიჩნია. რუსუდანმა მათ ციხის დატოვება უბრძანა, თუმცა მეციხოვნეები ამის სასტიკი წინააღმდეგეები იყვნენ. ბოცომ ჯალალ ად-დინს დანებების პირობების შესახებ მოსალაპარაკებლად მოციქულები მიუგზავნა. ზამთრის დიდი სიმკაცრით გაჭირვებაში მყოფმა ხვარაზმელმა ისნის ციხისთავის საზავო პირობები მიიღო და მეციხოვნეთ გზა გაუხსნა. საქართველოს დედაქალაქი მთლიანად ჯალალ ად-დინს ჩაუვარდა ხელში. მისი ჯარები ქალაქს შეესივნენ და არნახული სისასტიკით ინყეს მოსახლეობის ყლევთა... ქუჩებში სისხლის მდინარე დიოდა... მტკვარი სისხლით შეიღება და გვამებით გაივსო.

ხვარაზმელს თითქოს სისხლიც მობეზრდა, ბრძანა: სიცოცხლე აჩუქეთ, მხოლოდ მათ, ვინც ქრისტიანობას უარყოფს და მაჰმადის რჯულს შეუდგებაო. ზოგიერთმა, საშინელი კაცთაგვლით შეძრწუნებულმა მართლაც დათმო ქრისტიანობა, უმრავლესობამ კი სიცოცხლეს წამებულის გვირგვინი არჩია.

ჯალალ-ად-დინმა სიონის ლავრიდან წმიდა ჯვარი ჩამოაგდო და მიწაზე დაანარცხა. გუმბათი სულ გადაანგრია სიონს და მის ადგილზე თავისი “ბილნი საჯდომი დაიდგა”, ზედ საგანგებოდ აღმართული ფიცარნაგით ადიოდა და იქიდან ანიოკებულ ქალაქს ათვალიერებდა. სიონის ტაძრიდან მაცხოვრისა და ღვთისმშობლის ძვირფასი ხატები გამოათანინა და მისგანვე აგებული “ხიდის” შესასვლელთან პირაღმა დააყრევინა. ბრძანა, რიგ-რიგად მოეყვანათ ყველა ქრისტიანი, ქალიცა და კაციც, ყველას ცალკეულად ჩაენიხლა და დაეფურთხებინა იმ ხატებისთვის და ფიცით უარეყოთ ქრისტეს რჯული. ხოლო ვინც ამას არ აღასრულებდა, იქვე თავი წარეკვეთათ და მტკვარში ესროლათ. ჯალალ სიონის ნაგუმბათეზე იჯდა და ხედავდა, როგორ მიჰყავდათ მის მეომრებს ქართველები და სომხები, როგორ იბრძოდნენ, ჰკვეთდნენ თავებს და ისროდნენ მტკავში თავსა და ტანს ცალ-ცალკე. მხოლოდ მცირე სულმოკლენი შეურაცხყოფდნენ წმიდა ხატებს და უარყოფდნენ ქრისტიანობას.

100 000 თბილისელის სიცოცხლე შეენირა ამ დღეს უცხო ველურთა მახვილს. დამპყრობლებმა გაძარცვეს და გააპარტახეს თბილისი. ძარცვა-გლეჯვისას არ დაუზოგავთ არა მარტო ქრისტიანები, არამედ მაჰმადიანებიც, რომელთა წყალობითაც ხვარაზმელებმა ქალაქის დაუფლება შეძლეს.

საქართველოს მართლმადიდებელმა ეკლესიამ ამ დღეს წამებული 100 000 უდიდესი გმირი წმიდანად შერაცხა.

გია როსტიაშვილის ხსოვნას

ახალგორელთა რიგებს გამოაკლდა განათლებული, თავმდაბალი, სიკეთით სავსე, ინტელექტუალური პიროვნება, ღირსეული კაცი გია როსტიაშვილი. მან სხვადასხვა საპასუხისმგებლო პოზიციაზე ხელმძღვანელად მუშაობის ათეული წლების მანძილზე მნიშვნელოვანი კვალი დატოვა ახალგორის რაიონის განვითარების ძალზე მნიშვნელოვან სხვადასხვა სფეროში. ღმილის კაცი ბრძანდებოდა, სიკეთის კაცი ბრძანდებოდა, უანგარო, მოყვარული... ყოველ საქმეს, დიდსა თუ მცირეს, მაღალი პასუხისმგებლობით ეკიდებოდა, თავისი ქვეყნისა და რაიონის გულწრფელი მოჭირნახულე ბრძანდებოდა მაშინაც, როცა საქართველოს პოლიტიკური ინსტიტუტის დამთავრების შემდეგ ახალგაზრდა სპეციალისტი მშობლიურ რაიონში დაბრუნდა სამუშაოდ, როგორც რიგითი ინჟინერი, და მაშინაც, როცა დაანინაურეს სხვადასხვა პოზიციაზე – სამშენებლო ორგანიზაციის მთავარ ინჟინრად, შემდეგ ხელმძღვანელად. და სადაც სადაც კი მუშაობდა, – რაიონის მთავარ არქიტექტორად, კომუნალურ საწარმოთა კომბინატისა თუ საყოფაცხოვრებო მომსახურების სამმართველოს უფროსად, ყველგან ორგანიზატორული ნიჭითაც გამოიჩინოდა, საქმის სიყვარულითაც.



გია როსტიაშვილი არაჩვეულებრივი შვილი, ძმა, მეუღლე, მამა და ორი ანგელოზის პაპა ბრძანდებოდა. თვალისჩინივით უფრთხილდებოდა ოჯახს, ახლობლებს... და ამ ქვეყნიდან წასვლის შემდეგ უკვდავება დაიმკვიდრა მათ გულებში. კარგი შვილები, საზოგადოებისათვის პატივსაცემი, წარმატებული, პერსპექტიული ახალგაზრდები – გიორგი და ნინო როსტიაშვილები, რძალი თამარ ბერიძე, მეუღლე ელზა ამირანაშვილი, და ანგო როსტიაშვილი სათუთად შეინახავენ ერთი კარგი, ძალიან კარგი ახალგორელი კაცის – გია როსტიაშვილის ხსოვნას, რომელსაც უფალი ნათელს დაუმკვიდრებს უსათუოდ... მის მარადიულ სამყოფელთან კი ახალგორიდან მონაბერი ნიავი მშობლების ცრემლებს აპკურებს მის გულზე დაბნეულ მიწას...

ახალგორის მუნიციპალიტეტის საკრებულო და ახალგორის მუნიციპალიტეტის გამგეობა სამძიმარს უცხადებს ელზა ამირანაშვილის მეუღლის გია როსტიაშვილის გარდაცვალების გამო.

ახალგორის სამუსიკო სკოლის პედაგოგები სამძიმარს უცხადებენ ანგო როსტიაშვილს ძმის გია როსტიაშვილის გარდაცვალების გამო.

ოქროსფერი შემოდგომა გაასილავს



ფრეხეთისა და ნილკნის საბავშვო ბაღის ბავშვებმა აღმზრდელ პედაგოგებთან ერთად ოქროსფერ შემოდგომა ულამაზესი ზემითა და აქტივობებით გააცილეს. „რთველში“ მოიღვინეს, „ვაშლიც“ დაკრიფეს, კაკალიც დაარჩიეს და შემოდგომის ყველაზე ლამაზი რიტუალი – ჩურჩხელების ამოვლებაც შეასრულეს მზრუნველ

პედაგოგებთან ერთად. ზემის შემდეგ ფრეხეთის ბაგა-ბაღის აღმზრდელები ესტუმრნენ ბავშვების საყვარელ ქალბატონ ნარგიზას, რომელმაც სტუმრებისათვის ტრადიციულ თონეში პური გამოაცხო და პატარებს გულთბილად გაუმასპინძლა.



სასწავლო წელი ტრადიციული აქტივობებით გრძელდება. ახლახან ნილკნის საბავშვო ბაღს ეწვია ერთ-ერთი აღმზრდელის მშობელი დარია თათარაშვილი, რომელმაც ბავშვებს სახალისო და საინტერესო აქტივობა შესთავაზა. აქტივობის ბოლოს კი პატარა მასპინძლები „ბარნის“ ორცხობილით დაასაჩუქრა. ბავშვებმა ასევე ძალიან იხალისეს კულინარიის გაკვეთილზე და ლამაზად მოირგეს მზარეულის საქმიანობა.

